



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАМА

«QULAN» коллекциялық монеталарының сатылымға шығатыны туралы

Нұр-Сұлтан қ.

2022 жыл, 26 шілде

Қазақстан Ұлттық Банкі **2022 жылдың 27 шілдесінен бастап** «Қазақстанның флорасы мен фаунасы» монеталар сериясынан «QULAN» коллекциялық монеталарының сатылымға шығатынын хабарлайды.

Монеталар www.kazcoins.nationalbank.kz платформасында ҚҰБ интернет-дүкені арқылы сатылады.

«QULAN» монеталарының сипаттамасы:

Құлан – жылқы тұқымдас, сирек кездесетін жануар. Латынша атауы – «EQUUS HEMIONUS». Оған алғаш рет 1775 жылы сипаттама берілген. Қазақстанда құлан Үстірт пен Маңғышылақта кездескенімен, өткен ғасырдың 30-жылдары жоғалып кеткен. 1953 жылы Арал теңізіндегі Барсакелмес аралына түркімен құландары әкелінді. 1982 жылдан бастап Алтын Емел, Бетпақдала ұлттық саябағында және солтүстік Ақтауда оларды жерсіндіру жұмыстары басталды.

Мельхиордан жасалған номиналы 200 теңгелік монеталардың бейнесі



Мельхиордан жасалған номиналы 100 теңгелік монеталардың бейнесі



Нейзильберден жасалған номиналы 100 теңгелік монеталардың бейнесі



Мельхиор мен нейзильбер қоспасынан жасалған монеталардың аверсі мен реверсіндегі бейнелер бірдей.

Монета аверсінің оң бөлігінде аңдар мен өсімдіктерден коллаж, жиегінде Қазақстан Республикасының Мемлекеттік елтаңбасы, сол жағында ҚҰБ-тың тауар белгісі (логотипі) бейнеленген және соғылған жылын білдіретін «2021» деген жазу бар. «Proof-like» дайындау сапасымен мельхиор қоспасынан дайындалған монетада «200 TENGE» номиналы, «brilliant uncirculated» дайындау сапасымен мельхиор қоспасынан және нейзильбер қоспасынан дайындалған монетада «100 TENGE» жазуы басылған. «QAZAQSTAN ULTTYQ BANKI» және «NATIONAL BANK OF KAZAKHSTAN» деген жазулар монета жиегінде айналдыра берілген.

Монета реверсінде дала ландшафты аясында құландардың бейнесі бейнеленген, монетаның жоғарғы бөлігінде «EQUUS HEMIONUS» (түрінің латынша аты), төменгі бөлігінде «QULAN» жазуы бар.

Монеталар:

- МН 25 мельхиор қоспасынан жасалған номиналы 200 теңгелік монетаның массасы – 15 грамм, диаметрі – 33 мм, алтын жалатылған, сапасы – «proof-like», таралымы – 10 000 дана;
- МН 25 мельхиор қоспасынан жасалған номиналы 100 теңгелік монетаның массасы – 15 грамм, диаметрі – 33 мм, сапасы – «brilliant uncirculated», таралымы – 10 000 дана;
- МНЦ 15-20 нейзильбер қоспасынан жасалған номиналы 100 теңгелік монетаның массасы – 11,17 грамм, диаметрі – 31 мм, сапасы – «uncirculated», таралымы – 100 000 (бір жүз мың) дана.

БАҚ өкілдері толығырақ ақпаратты мына телефон арқылы ала алады:

8 (7172) 77–52–10

e-mail: press@nationalbank.kz

www.nationalbank.kz